



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvartum

**González Téllez, Emanuel  
Francofurti Ad Moenum, 1690**

Caput XXXII. (a) Idem.

---

[urn:nbn:de:hbz:466:1-74533](#)

## NOTÆ.

1. (a) **Dem.**] Gregorius videlicet IX. qui præsentem constitutionem edidit motu proprio, à nemine consultus.  
(b) *Verbis consuetis.*] Juxta tradita suprà in cap. ex parte 10.
  2. (c) *Alia verba.*] An verba necessaria sint ad exprimendum consensum in matrimonio contrahendo, examinavi suprà in c. cùm apud 23.
  3. (d) *Separari.*] Quia sponsalia de futuro solvuntur per matrimonium de præsenti, cap. 3.
- hoc titul. in... collect. ubi Alex. III. ita scribit:  
Confidit nos tua fraternitas, quid tibi faciendum  
sit de Willermo parochiano tuo, qui licet in manu tua  
fidem dederat, quod mulierem quandam diceret  
uxorem, spreta tamen religione fidei, ipse sibi aliam  
copulare presumpsit. Super hoc itaque consulta  
tioni tuae taliter respondemus, quod licet non sit in  
tum cuilibet contra fidem suam venire, si tamen  
aliam in suam receperit, nec in facto prima mulieris  
ultra processerit, nisi quod fidem dederit, à muliere  
secunda separari non debet, sed est de violata fide  
penitentia indicenda.*

## C A P U T   X X X I I .

## (a) Idem.

(b) **A**Dolescens, qui despontatam sibi per verba de futuro, licet sepe nisu fuerit, carnaliter non (c) cognoscens, cum alia postmodum per verba de præsenti contraxit: non primam, cum qua nec fuit verum matrimonium ex forma contractus, nec præsumptum, cùm conatus non habuisset effectum; sed secundam debet habere uxorem.

## NOTÆ.

1. (a) **Dem.**] Gregorius videlicet IX. qui etiam præsentem constitutionem edidit, à nemine consultus.  
(b) *Adolescens.*] Adolescentia etatem, & terminum varie præscribunt Quintil. Mandos, de etate minori, cap. 5. num. 1. Perez de Lara de vita hominis cap. 22. Joannes Buscus de statib. hominum cap. 1. Narbona de etate ann. 50. question. I. Connarus lib. 5. comment. cap. II. communiter tamen adolescentia computatur à decimo octavo anno usque ad vigesimum quintum, ut probant Joannes de Anania in rubric. de delict. puerorum, num. 1. vers. 4. art. Glossa verbo *Perfectus*, in proemio Sexti. Adolescentes alio nomine vocantur minores, hoc est, qui vigesimumquintum annum non impleverunt, & per totum ff. de minor. l. cum filio 50. ff. de legatis 3. & pueros nonnullam vocari, constat ex Liquidam 25. ff. ad Trebel. l. 3. §. idem, ff. de adimend. legat. & similiter etas tenera dicitur in l. non tantum 11. ff. de Decur. Plura de ea etate congregit Narbona d. quæst. 1.
2. (c) *Noncognoscens.*] Non ob defectum etatis in ipsa sponsa; nam si impubes adhuc esset, ex alia ratione evidenter, per nisu ad copulam non poterat dari matrimonium præsumptum, nempe quia cùm verum consensum ex defectu etatis præstare non posset, Ecclesia non poterat præsumere, quod esse perterum naturam nequivat, ut fecit lex civilis in adoptione, qua quia imitatur naturam, §. minorem, Institut. de adopt. non datur inter eas personas, quæ per naturam filios procreare nequeant, §. padonum, Institut. eodem, leg. arrogato, ff. eod. Facit lex qui ad certum, ff. locati: non ergo adolescentis potuit eam cognoscere, aut quia ea non consentit, aut propter imbecillitatem corporis, vel quia illa nimis arceta esset, & impar congressui cum illo; & ita ob unam ex illis causis copulam consummare nequivit.

## COMMENTARIUM.

**E**X copula sequuta post contracta sponsalia 3. de futuro, matrimonium præsumptum dari, Dematris supra probavi in cap. is qui fidem; non tamen monopra- illud procedit, si tantum sponsus voluit spon- sum cognoscere, immo ex tali nisu ad copulam non inducitur matrimonium præsumptum, ut probant congesti à Barbola hic, Cujac. in d. cap. is qui fidem, Rebellus de justitia lib. 2. de marria- quæst. 1. scilicet 1. Basilus lib. 2. de marria. cap. 1. 2. num. 8. Cujus doctrinæ rationem assignavi in cap. 1. de præsumpt. num. fin. Aliquitamen, quos refert Præpositus in cap. juvenis, hoc titul. num. 3. contrarium docuerunt, moti tum ratione, tum autoritate. Ratione, quia si matrimonium præsumitur ab Ecclesia, quando copula sequuta est, ne creditur sponsum animo libidinoso, & peccati suspicio, præsumi potius debet matrimoniū etiam eo casu. Authoritate etiam tex- tus in d. cap. juvenis 3. hoc titul. ubi ob nisu ad copulam matrimonium secundum postea contractum nullum judicatur. Sed ipsi audiendi non sunt, nec ratio ab eis adducta obstat; nam certum est, majorem presumptionis ratio- nem dari cùm copula sequuta est inter sponsos, ac cùm nisu tantum interfuit, quia per copulam consummatam planè fœminam tradit ulum sui corporis, qui in illa magnoperè estimabili est; quod non evenit in nisu ad copulam: quare Ecclesia præsumit copiam sui corporis fœminam non facere ei, in quem non consen- sit de præsenti post contracta sponsalia. Itaque non præcisè ad evitandam suspicionem peccati Ecclesia matrimonium præsumit, sed ad evi- tandam suspicionem in tali materia subjecta cum tali circumstantia, & plena corporis copia, &

traditione; quam præsumptionem non admittit ex aliis levioribus circumstantiis, ut ex nisu ad copulam, ne propter hominum fragilitatem pl-

rumque matrimonia inducerentur. Nec etiam illis favet textus in d. cap. juvenis, cuius veram interpretationem in ejus notis adduxi.



## TITULUS II.

De desponsatione impuberum.

## CAPUT I.

(a) Hormisdas *Eusebio Episcopo.*

**T**ua nos requisivit fraternitas de filio adulto, quem pater matrimonium vult contrahere: si sine voluntate adulti filii facere potest. Ad quod dicimus, si aliquo modo non consentit filius, fieri non posse: potest autem filium nondum adultum (voluntas cuius discerni non potest) pater cui vult matrimonio tradere, & postquam filius pervenerit ad perfectam ætatem, omnino debet hoc adimplere.

## NOTÆ.

1. (a) **H**ormisdas.] Ita etiam legitur in cap. 2 hoc titul. in i. collect. & in cap. tua 3 quæst. 2. legitur, Palea; sed verba hæc non reperiuntur inter epistolas ipsius Pontificis, ut jam notarunt Severinus Binius in notis ad epist. Hormisdas, 2. p. Concilior. generalium, pag. 368. Anton. Aug. in notis ad hunc textum: sed cum plures epistolæ ipsius Pontificis nondum editæ fuerint, quarum volumen MS. asservari in Vaticana refert Carolus à S. Paulo in Bibliothec. Pontificia, verbo Hormisdas; credo in aliqua ex ejus epistolis non auctum excusis hæc verba reperiuntur: & licet temporis injuriæ ea epistola periret; cùm reperiatur præfæs textus compilatus auctoritate Gregorii IX. non est cur de ejus auctoritate ambigatur. Hormisdas natione Campanus, patria Fusinas, creatus fuit Romanus Pontifex anno 514. & Ecclesiæ rexit per annos novem, & dies 10. ut referunt Papirius, Luitprandus, Baron. & Corjol, dicto anno 514. Carolus à S. Paulo ubi suprà, Barbosa in praesenti, num. I.

## COMMENTARIUM.

2. **D**eo hujus textus expositione agendum operari pretium duxi de patro jure circa nuptias filiorum, & consensu parentum in eis adhibendo ex utroque jure. Et in primis sciendum est, parentes peræquè apud omnes gentes semper curas filiorum suorum matrimonia, & se huic negotio immiscuisse; nam si de Judais agemus, ipse Abraham petiit filio suo uxorem a Batuel patre Rebecca, ut refertur Genesis cap. 24. Item Isaac jussit Jacob filium suum petere uxorem à Laban, Genesis 21. & cap. 38. ejusdem libri, legitur, quod Thamar uxorem dedit primogenito suo, idque in statu naturæ: post legem autem Moysidatam Caleb cap. 15. fuisse, ita ait: *Qui civitatem percusserit, dabo ei filiam meam Axam uxorem.* Et cùm urbem cepisset Othobri, dedit ei filiam suam: & *Judic. cap. 12.* legitur de Abessam Israëlis judice, quod habuit tringita filios, & totidem filias, quas emittens foras, maritis dedit, & ejusdem numeri filii suis accepit uxores, introducens in domum suam. Et cap. 6. & 7. *Tobie*, iussus est Tobias junior ab Angelo petere Sarah à Ragueli ipsius patre, quam obtinuit: & Moyles ipse *Deuteronom. cap. 7. & Exodi 34.* cùm loquitur de matrimonio filiorum, alloquitur parentes tanquam hujus rei arbitros. *Ita filiam tuam non das filio Gentilis, nec filiam illius accipies filio tuo.* Illustrant Georgius Ambianus ad *Teriæ. de veland. virginib. cap. 11. obs. 3.* quam potestatem patris jungendi, vel non, matrimonio filias, satius expressit D. Paulus 1. ad *Corinth. cap. 7.* Et ut alias nationes percurramus, Cyrus apud Xenophonem lib. 8. noluit accipere in uxorem Cyaxaris filiam, nisi cum patris & matris sententia: & apud Euripidem in *Andromacha*, cùm Orestes peteret in connubium Hermionem, respondit eam rem pertinere ad arbitrium patris.

*Sponsalia quidem meorum pater meus  
Curam subibit; hoc enim non est meum.*

Quæ verba referuntur à D. Ambrosio lib. 1. de *Abrahamo*, cap. 9. & Leander apud Musæum alloquitur amasiam suam Heronem, ei quoque nuptaram.

*Non manifesta queunt inter nos fædera jungi:  
Obstat uerque parens.* Et apud Apulejum lib. 6. Venus arguit nuptias Cupidines & Psyches factas sine consensu parentum: *Quamquam, ait, inepta ego, frustra filium, seu nepotem dicam; impares enim nupcie, & præterea in villa sine testibus, & patre non consenserit facta, legitima non possunt videri.* Et apud Romanos maximè jus illud fuisse, ut parentes matrimonia filiorum suorum conciliarent, & nisi exigeretur parentum consensus, ipsa matrimonia nulla esse, patet ex l. nupcie, ff. de *statu homini-*